



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

De|| EXTREMA VNCTIO-||NE, ORDINE, ET MATRI-||MONIO.|| SINGVLIS LIBRIS
EX-||PLICATA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XV. An Matrimonium fidelium consummatum, solubile sit quoad vinculum,
variæ sententiæ adferuntur.

[urn:nbn:de:hbz:466:1-54104](https://nbn-resolving.de/urn/resolver.pl?urn=urn:nbn:de:hbz:466:1-54104)

C A P V T X V .

In Matrimonium fidelium consummatum, solubile sit, quoad vinculum, variæ sententiae adferuntur.

PERVENTVM est tandem ad QVARTAM & ultimam quæstionem de solutione Matrimonii consummati, quoad vinculum: in qua quæstione multos habemus aduersarios, Græcos, Latinos, Hæreticos, & Catholicos.

Sentiunt enim, in causa fornicationis posse conjugem innocentem non solum separari quoad thorum, sed etiam quoad vinculum, à coniuge, & aliud Matrimonium intrinsecum, in primis Græci, qui se iam dudum à Romana Ecclesia separauerunt. Idenimi inter eorum errores numerat Guido Camerliza, in sua summa de hæreticis; & in Concilio Florentino sessiâ ultima, Pontifex ipse Eugenius Græcis dixit, eos graviter à Latinis accusari, quod Matrimonia dissoluenter negoti illi negare ausi sunt, sed rationes suas se habere responderunt. Denique notum est, hoc tempore Græcos re ipsa Matrimonia dissoluere, & coniugibus alia Matrimonia independenti potestatem facere in causa adulterii.

Ex Latinis Lutherani omnes, & Calvinistæ, atque Anabaptistæ in eodem errore versantur: sed alij magis, alij minus errant.

Lutherus in lib. de captiuitate Babyl. cap de Matrimonio nihil statuere audet: tamen cupit vehementer definiti non locum in causa fornicationis, sed etiam quando alter coniugis recedit in aliam regionem, post decennium, aut nunquam reuersurus, licitum esse aliud Matrimonium contrahere. Vbi obiter ANNONTANDA est Lutheri contradicatio in eadem pagina. Nam scribit Papam errare, cum diuortium concedit extra causam fornicationis, quam solam Dominus exceptit & statim adiungit, optare se ut definitur, licere diuortium facere ob absentiam diuturnam alterius coniugis. Si enim error est, diuortium facere ob aliam causam, quam fornicationis; errorem igitur definiri cupit Lutherus cum ob absentiam coniugis diuortium esse licitum definiri cupit.

ADDIT.

ADDIT autem, se nolle quidquam definiri sola Papæ, & Episcoporum auctoritate; sed si duo eruditæ & boni viri in nomine Christi consentirent, & in spiritu Christi pronunciant, eorum iudicium se Conciliis prælaturum: quæ sane mera fatuitas est. Nam vnde sciemus, duos illos homines in nomine Christi magis consensisse, & in spiritu sancto pronunciasse, quam tot Episcopos, qui ex diuersis provinciis vnum in locum legitimè conueniunt ad fidem Christianam explicandam? certè his mille, & quingentis annis, nunquam Ecclesia duorum quorumlibet hominum iudicia Episcoporum Conciliis anteposuit.

Idem Lutherus post annos tres, anno videlicet M. D. XXIII. doctior factus (ram priorem librum anno M. D. XX. ediderat) scriptis librum in cap. 7. prioris ad Corinthios, ubi multas ob causas Matrimonium solui, & aliud initii posse censem: ut, si non modò Ethnicus Christianam, sed etiam falsus Christianus Christianam coniugem deserat; vel si coniunx coniugem ad furtum aut aliud peccatum inducat, vel si ob frequentes rixas molesta sit cohabitatio cum priore coniuge; vel si diu absit alter coniunx. In libr. quoque de causis Matrimonialibus, edito anno M. D. XXX. Si pauper cum diuite Matrimonium contrahat, & consummet; ac deinde pauper diuitem coniugem retinere non possit, quod amici, vel affines diuitis impedian, indicat Lutherus, posse pauperem ad aliud Matrimonium se transferre.

Martinus Bucerus in cap. 19. Matth. Lutherum ipsum impudentia superat. Contendit enim Matrimonium solui posse, & aliud iniri, quoties vxor non se commodam viro, aut vir non se commodum vxori præbet: quacunque videlicet de causa sibi inuicem coniuges displiceant. Ex quo rectè colligit Tapperus in explicatione art. 18. Louan facilius dissolui Matrimonia auctore Bucero, quam ciuiles contractus: neque enim contractus ciuiles ob solam malitiam contrahentium unquam dirimuntur.

Philippus Melanchthon in locis Theologicis, tit. de Coniugio, in duobus tantùm casibus permittit aliud Matrimonium iniri, nimisrum si alter coniugum fornicetur, vel si iniuste coniugem deserat; vult parti innocentì licere aliud coniugium celebrare: tamen in annotat ad cap. 5. Matth. idem Melanch.

Melanchthon non solum parti innocentia, sed etiam no[n]t
aliud Matrimonium concedit, quia (ut ipse dicit) non est
vlli imponenda p[un]cta, quam ferre non possit.

Ioann. Brentius in Confess. Wirtenbergensi, cap. de Con-
iugio, in fine illius capit[is], sperare se dicit, p[ro]ios Episcopos &
Principes concessuros ius contrahendi aliud Matrimoniu-
m, qui ob adulterium alterius coniugis iusto diuortio separa-
ti sunt.

Ioann. Calvinus, lib. 4 institut cap 19. 6. vlt. tyrannicam
legem vocat, quae non permittit aliud coniugium ei, qui ab
adultero coniuge diuortium fecit; & in cap 19. Matthæi,
vult quidem vinculum Matrimonij dirimi in causa adul-
terij, sed non admittit alias caussas; nisi desertionem fidelis à
coniuge infidele.

Martinus Kemnitius in 2. parte Exam. pag. 1249. Calvi-
num apertissimè sequitur. Nam duos tantum casus esse vo-
luit, in quo liceret aliud Matrimonium inire, nimirum ad-
ulterium alterius coniugis; & desertionem infidelis, vbi per
infidelem non intelligit quemlibet iniustum desertorem; &
Lutherus, & Philippus intelligebant, sed solum eum qui
Christianus non est, sed Gentilis, de quo casu nulla est que-
stio, ut suprà vidimus. Deinde in sequenti pag. 1250. explicat
se tantum loqui de parte innocentia, cum aliud Matrimo-
nium ob adulterium concedit. Quare neque Philippus cum
Luthero, neque Kemnitius cum Philippo, aut Luthero in sen-
tentia conuenit.

Eandem sententiam sequutus est Erasmus, qui in anno-
tationibus ad 7. cap. prioris ad Corinth. fusissimè probare
conatur, propter fornicationem licere coniugi innocentia
ad alias nuptias transire. Edidit autem Erasmus primum
has annotationes anno M.D. XV biennio scilicet antequam
Lutheri factio exoritur: ex quo intelligimus, non Eral-
mum à Luthero, sed Lutherum potius ab Erasmo hunc se-
torem hausisse.

Ex Catholicis duo sunt, qui eodem errore tenentur, Ca-
ietanus in commentario ad cap. 19. Matthæi, timidè tamen,
& breuiter rem attingens: & Ambrosius Cartharinus, qui
lib. 5. annotationum in commentaria Caietani, in fine, di-
sputat questionem istam, ac tandem concludit, ex Euange-
lio, &

lio, & Apostolo non posse colligi, non licere in causa fornicationis aliud Matrimonium inire; id tamen variis canonibus esse prohibitum, & ideo non debere fieri nisi ex Ecclesiæ auctoritate.

Porrò tres isti, Erasmus, Caietanus, Catharinus in hoc multū ab hæreticis suprà nominatis distant, quod se Ecclesiæ iudicio disertis verbis subiiciunt. Et quia Ecclesia sententiam suam iam apertissimè protulit, ut patet ex can. 6. & 7. sess. 24. Trident. Concilij, vbi anathema dicitur iis, qui sententiam Matrimonium quoad vinculum vlla de causa solui possunt; ideo isti quoque, ac præsertim duo posteriores, à reliquo nomi omnium Theologorum Catholicorum communissima sententia separandi minimè esse videntur.

CAPUT XVI.

Matrimonium insolubile esse quoad vinculum, probatur ex verbo Dei, traditione, & ratione.

PROBANDVM igitur iam nobis est, Matrimonij inter fideles contracti, & consummati vinculum adeò esse insolubile, ut neque causa fornicationis dirimi possit; & ideo viuente priore cōiuge nunquam esse licitum ad alias nuptias aspirare.

PRIMVS locus sit ille, qui est apud Matthæum cap. 5. *Omnis qui dimiserit uxorem suam excepta fornicationis causa, facit eam mœchari, et qui dimissam duxerit, adulterat.* Verba illa: *Et qui dimissam duxerit, adulterat, vel vniuersè accipienda sunt, vel cum exceptione, nisi ob fornicationem.* Si vniuersè, ergo qui dimissam duxerit, etiam ob fornicationem, mœchatur, ergo non fuerat dimissa quoad vinculum, sed solum quoad thorum: non enim mœcharetur qui illam ducit, nisi adhuc esset priori viro alligata. Si cum exceptione, ergo qui fornicariam à viro dimissam duxerit, non mœchatur. Ergo melior est conditio fornicariæ, quam innocentis, & castæ: nam fornicaria libera est, & nubere potest; innocentis autem iniustè dimissa, nec priorem virum habere potest, nec alteri nubere. Atqui hoc absurdissimum est, ut lex Christi